

deuten / vnd vnsern verstand verachten / Das
ist recht / Gottes feind / sol Gottes wort nicht
sehen / Was sie aber hie vber diesen Text
speien / ist nicht werd / das eine Saw oder Es
sel lesen solt / wenn sie gleich lesen kundten /
Moses angesicht hat Dornen / vnd glentzet zu
Welle / das sie nicht drein sehen können / Wir
aber haben Moses / das seine wort / vnge-
zwungen / natürlicher art der sprachen / so
hertzlich vnd lieblich fein stimmen / mit dem
newen Testament. Vnd ob er wol mus das
halstarrige böse Volck / seiner zeit regiren / im
alten Testament / So weissagt er doch dane-
ben gewaltiglich / von Ihesu Christo vnserm
HERRN / das er ein warhafftiger Mensch
vnd mit dem Vater vnd Heiligem geist / in vn-
terschiedlicher person / ein Einiger warhafftis-
ger Gott sey / der alles thut / was der HERR
thut / Das ist vns gnug / wollen gern narren
vnd vngelert heissen in der Schrifft / vnd den
Juden vnd Trücken ire hohe weisheit in iren
Schlauffen lande lassen.

Wolan / glenbe ein jder fur sich / was er
wil / Ich glenbe vnd weis fur war / das ich
vnd alle Christen / Moses fur vns haben /
Vnd das er ein rechter Christen / ja ein Lerer
der Christen ist / Schadet nicht / das er dazu
mal noch in der Rappen steckt / vnd im alten
Testament gekleidet daher gehet / als sey er
nicht